

грехи не только в прошлом, в их земной жизни, но и в раю: «Никола» продолжает за свою помощь «православным христианам» брать с них «посулы». Так заостряется антиклерикальная направленность сатиры. Другая подробность данного варианта — указание, что бражник в раю «сел в лучшем месте», — также редко встречается в текстах этого «Сказания», между тем она подчеркивает торжество бражника над райскими «праведниками».

(л. 51) Глава 14. Сказание о бражнике

Бысть некий бражник велми пиющ, а за всяким ковшем и за всяким куском господа величал. И повелением божим прииде к нему ангел господень и взя душу его и постави ю у врат честнаго рая и отиде от него.

Бражник же нача толкаться у врат честнаго рая. И прииде апостол Петр и рече ему: «Кто у врат чеснаго рая толкается?». Бражник же отвеща ему: «Аз есми бражник, хощу с вами в раю быти». И отвеща ему апостол Петр: «Бражником не входимо здесь, в раи бражники не водворяются, бражником уготована мука вечная». Бражник же рече ему: «А ты, господине, кто? Глас твой слышу, а имени твоего не вем». Петр же рече: «Аз есми Петр верховны, вручил мне господь ключь чеснаго рая». Бражник же рече ему: «Господине Петре, помниш ли ты, коли при распяти господни и ты отрекся² от Христа? Толико бы не слезы помогли тебе, то бы и сам не был (л. 51 об.), за то тебе и дал господь ключь честнаго рая. А меня, православнаго христианина, за что в рай непустиш? А яз, бражник, пил рано, а за всяким ковшем господа бога прославлял». Петр же от него отиде прочь, посрамлен бысть.

Бражник же еше нача талкаться у врат чеснаго рая. Пришед к нему Пауел верховны апостол и рече: «Кто у врат честнаго рая толкается?». Бражник же отвеща: «Аз есми бражник, хощу с вами в раю быти». Отвеща ему Пауел: «Бражником в раи не входимо, бражником уготована мука вечная». Бражник же рече: «А ты, господине, кто? Глас твой слышу, а имени твоего не вем». Отвеща ему: «Аз есми Пауел верховны апостол, мирную землю воскресив». Бражник же отвеща ему: «Господине Пауел, помниш ли ты, коли дал бог тебе учить верующих во Христа и ты архидиакона Стефана камением убил? А ныне ты о чем в раю, а меня, православнаго христианина, за что в рай непустиши? А я всегда пил рано, а за всяким ковшем господа прославлял». Пауел же отиде прочь посрамлен.

Бражник же еше нача толкаться у врат честнаго рая. Прииде ко вратом царь Давид (л. 52) и рече: «Кто у врат честнаго рая толкается?». Бражник же отвеща ему: «Аз есми бражник, хощу с вами в раю быти». И рече царь Давид: «О чем еси богу не утруждался, и ты б уготовал царствие небесное, а то вам уготована мука вечная. Отиди, человеце, прочь». Бражник же рече: «А ты, господине, кто? Глас твой слышу, а имени твоего не вем, кто еси ты». И рече ему царь Давид: «Аз есми царь Давид». Бражник же рече ему: «Помниш ли ты, коли слугу своего послал на службу и велел ево убити, а жену ево взял на постелю к себе? Да о чем ты в раю? А я, бражник, пил всегда рано, а за всяким ковшем бога прославлял, а ты, прелюбоденца и убиинца, да о чем ты в раю, а меня, православнаго христианина, за что в рай непустиш?». Царь Давид удивися тому мудрому ответу и отиде прочь посрамлен.

Бражник же еше нача толкаться у врат честнаго рая. И прииде ко вратом царь Соломон и рече: «Кто у врат честнаго рая толкается?». Отвеща ему бражник: «Аз есмь бражник, хощу с вами в раю быти». И рече царь

² отрекся повторено.